


|   |              |   |
|---|--------------|---|
| I | Mag. St. Dr. | P |
|---|--------------|---|

PANEG. et VITAE

Polon. 40

№ 753





# EFFIGIES

V E R A

DIVI STANISLAI

EPISCOPI CRACOVIENSIS

Martyris Gloriosi, Patroni Regni

Poloniæ Maximi.

*Perillustri & Admodum Rndo: Dño.*

D. STANISLAO PRZYLECKI

DE PRZYLEK

CANONICO POSNANIENSI

Domino & Mæcenati amplissimo.

*Pro annua*

Festi celebratione Diui Tutellaris Poloniæ

Nomen deportanti.

A

CHRISTOPHORO PARZNICKI

Radomio, Philosophiæ Doctore, & Artium Magi-

stro ac Professore ad observandum & spectandum

exposita, & cum digno venerationis obsequio

dicata observantiæ ergo

OEFERTVR.

cc.



IN PERILLVSTRE ADMODVM REVERENDI  
DOMINI INSIGNE.



174242  
Cruz derivat aquas, cruz & diffundit easdem,  
Cruz aperit flumen, cruz quoq; claudit idem  
Mystica Sacrato, PRZYŁĘCI symbola signo,  
Stemma Tuum defert, quid notet illud, habe.  
Conspice Szreniawam, STANSLAI littera prodit,  
S, quia semper amat: Stans tolerare crucem.  
Passi cruz animi, vult flumen hebere per vsum,  
Lætitix largas, cruzq; refundet aquas.





# ORATIO.

**N**ON postremam ij virtutum & laudis  
merentur gloriam *P. et Adm: Re: D.*  
qui si aliquando huiusmodi euadant vi-  
ri, prout ipse generis splendor, & virium  
præstantia persuadet, vel ad hoc idem potissimum, in-  
signi olim præcinente Poëta *Horatio*. *Fortes cre-*  
*ari fortibus, & bonis.* Maiorem quippe (vitiustum  
esse videtur) illi referunt dignationem & famam,  
qui præter animi magnanimam generositatem, soli,  
alicuius præcipui Nominis voci, æmulari contendunt.  
Cum & priscis sæculis, nomini *Fabiorum Fabios*, *Sci-*  
*pionum*, *Scipiones*, *Deciorum Decios*, semper æquari  
conatos fuisse accepimus: quod & nostro æuo complu-  
res, in se effingere vt nitantur, est maximè necessum.  
Ipsam ac præsertim in eo *Naturam*, communem no-  
strum omnium *Parentem* vtq; ducem sectari libeat,  
quæ dum semel leonem fortem, equum generosum, *Ty-*  
*gridem* prudentem progenerat, horum degenerem



aduertens fætum, si imbellem, non amplius leonem, si  
pigrum & tardum, non iam equum, si desidem ac te-  
merarium, non omninò Tygridem nosse vult, seu tutò  
audet nuncupare. Quod quidem nec inconueniens  
esse, vt cui natura, præclaram semel indidit compo-  
sitionis habilitatem, respectu cuius, vicinum nomen ad-  
iecit, & non illi quid consimile fieri videat, equidem  
illud, alienum ab eo, quod eidem gratuitò contulit, vo-  
care non iniquè potest, ac debet. Nam profectò, in-  
nata est quædam vis & potentia, id velle & optare ad  
consequendum, quod nominis ipsius excellentia, præ-  
monstrare videtur. Hoc autem vt appositè inno-  
tescat, Apellem aut Thymantem, insignes suo æuo  
artifices, opus est imitemur: qui priusquam viuos, ad-  
notatis in archetypo lineis, inducerent colores, nomen  
saltem modò ipsum, intrepidi cuiuspiam Herois, cu-  
ius viuum expressuri fuissent effigiem, spectabant, post  
hec, verum pro internis animi virtutibus, probè ad  
adaptabant colorem. Hoc idem P. & A. R. D. præ-  
stantissimus Tuae imaginis Apelles et Effector Deus  
præuidit, quam enim, ad sui similitudinem perfectè a-  
dumbra



dumbravit, at cuiusnam magni viri colorem ipsi apponeret, nomen satis convenientissimum, D. Stanislai adinuenit, & adiunxit Quod dum Tibi, diuina quadam sorte, summi viri, Patroni Regni Poloniae potentissimi nomen obtigit, idem vehementer gratulor, eoq; praesens ac diu faustus, latere. Quem ergo Diuum, etsi in Te ipso efformare iam videaris, tamen eundem, etiamnum in omnibus, ad viuum exprimere, magnoperè satage. Hanc ego ultra effigiem, dummodò scripto meo, Tua summa prudentia, et singularis Humanitas, indulgere necnon ad fauere velit, per expressum delineare, et conficere properabo. Magnum et Illustre Nomen, non exiguam frequenter asolet, praestare virtutum, laudis, gloriae accessionem et commendationē, nisi tamen ipsius praestantia, per vires humanas et rationem, in integro obseruetur, debitumq; pondus, et aestimationem teneat, nihil certius esse, quin venerandi nominis splendor & valor, ingens precium et incrementum adportet. Etenim eorum etiam, quae etsi ubiuis locorum satis bona esse censeantur, sin abiectio et contemptus habeatur, nullam pror



sus gratiam et suauitatem, in oculis hominum, ut ne  
dicam aut cogitem, in suprema cœlesti curia, assequun-  
tur. Tum quando certè cui, ut & Tibi P. D. Di-  
ui Tutellaris nostræ Patriæ Dignissimum euenit no-  
men, nonnè idem ad amorem ipsius, cuius voce sua  
speciem refert ac representat, certo quodam modo pel-  
licit et attrahit? nonnè illum ipsum honorandum in-  
nuat et incitat, cui propriè et proximè adhæret? E-  
quidem ita, quisq; pro comperto et cognito esse noue-  
rit. Sublimis quandoquidem Diui Stanislai, in flo-  
rida vernantis adhuc iuuentutis ætate, miraq; morum  
suauitas fragrauit, cui oro non iucunda esse potuit?  
cum non quæreretur illam externam, ac dominatam glo-  
riam, quam nec tamen omninò, pro generis splendore  
abiecit, sed quia priore dignatus loco, Diuinum obser-  
uabat honorem, in reliquo, pro ratione ipsius temporis,  
Patrio amori, non nihil concessit: unicuiq; , qui Tan-  
to insignitur Nomine, in vsitato sit commune, ut ita  
ipsius ductu, ad Patronæ virtutis felicem portum, per  
tot pericula et vitæ discrimina, ocyus emergat. Hinc  
vel Te vnum, magne Prælate, Illustri Przylacio-  
rum



rum sanguine oriundum, conspiciari et intueri liceat,  
qui præter magnum Nobilitatis genus, *Magnificam*  
prosapie originem, vetustam demùm stemmatis fa-  
mam, interiores animi dotes, ac virtutes summo pre-  
cio æstimaras, toties, et toties in vita accumulare studes,  
ut neuiquam, ab ipso Nominis præclaro effectu, disce-  
dere inducas animum. Enimuerò, imbibit vir diui-  
nus olim pietatem, alibi in exteris Nationibus, cum  
necdum rudem illam, dulcæ Patriæ solum deterfisset  
barbariem: imbibit inquam alibi, ac præsertim, in-  
celeberrima toto orbe *Parisiarum Academia*, de-  
uotionem, morum integritatem, prudentiam, huma-  
nitatem adeò, ut non plus se profectum fuisse, in li-  
teris politioribus libens vidisset, quàm prius in amore  
Diuino, bene exercitatum, se egisse vitam, intellexisset  
optimè. Hanc profectò, et Tuo generoso instillauit  
enimo, diuus hic Patronus mentem, quâ ita memor  
existens ipsius, cum in remotas Regionum Prouincias,  
a Patria profectus feliciter discederes, Humanita-  
tis et comitatis, omnem indueres gloriam, prudentiæ,  
probitatis et clementiæ, conquirereres venustatem. *Asse-*  
cutum



cutū plenē, Te esse ea omnia cognoscimus, quæ nō modò  
in ipsa Polonia, verū in Germania, Italia, et alijs  
longinquis oris, sæcula aurea opportunē nactus, Elo-  
quentiæ, non exile monumentum comparasti, Iurium  
non leuem peritiam delibasti, Hystoriarum ad extre-  
mū, multiforē elegantiā et copiam, congesisti.  
Neque minorem, ut certò constat, sacri dogmatis, per  
discursus Theologicos iucunditatem, adeptus es, quā  
variarum sanē linguarum, probē expertus cognitio-  
nem, Tuo satis industriō animo, ac genio adijisti. Ad  
nominis igitur Tanti celebritatem exornandam, accu-  
rerent ō si, vel huc aliqui graues, cum Latinæ, tum  
Græcæ nomenclaturæ, seu prudentes ignotarum vo-  
cum interpretes, aut disertī expositionum commenta-  
tores: quos inter, Aulum Gellium, Xenophontemq̃,  
et ceteros quamplurimos exactæ eruditionis authores,  
præstò aduentantes, per quā lubenter conspicerem.  
Istorum ego omnium proprio muneri ac officio, nomi-  
na pleraq̃, fideli vocum explanatione ponderanda,  
necnon enuncianda apponerem, quid in se rei singulæ  
voces complectantur, quidue deinceps virtutis in se  
conti-



contineant. Veruntamen, quoniam prolixas mea  
Oratio, diutius expectando, nimium odit moras,  
Historiarum è vicino, igitur veri prodeant scripto-  
res, quorum, ac peculiariter *Titii Liuij* utar testimo-  
nio, qui cum fusius tractet, rem in pauca contraham.  
Satis memorandum, in vrbe *Romana* *Scipionum* vi-  
guisse genus, quod à bacillo, cuius ope gravitatem, et  
infirmi-  
tatem grandæuam, auus illorum sustentabat,  
nomen *Scipionis*, non immeritò sortitum fuisse: qui qui-  
dem *Scipiones*, ut *Nomini* suo, satis per ipsos fieret,  
impensè ac enixa opera id procurarunt. Quorum al-  
ter, ruentem iam *Patriam*, sua vi sustentauit, metuq;  
labefectatam atque conuulsam, firma spe præsidij,  
fortiter erexit, ut post graue *Africæ* excidium, *A-*  
*fricani*, alter *Asiatici* nomen, post *Asiam* subiuga-  
tam, referre digni fuissent, quòd *Patriam* infirman-  
tem, veluti duo bacilli, subnixi fuissent. *Pompeij*  
itidem *Magni* *Nepotes*, victoria frequenti, grandium  
bellorum Imperatoris, ardentè incensi, non leuia eti-  
am crebro attentantes, *Magnos* se futuros fuisse spe-  
rabant, et quidem stetisset in ijs, non deterior laudis

B

gloria



gloria, si ijsdem in vltiore rerum processu, gratiosa  
fortis facies arrisisset. Hi quanta, solâ Gentilium  
Nominum permoti Excellentia moliti sunt! vt debi-  
tæ voci, æqualem gloriâ, etiam cum dispendio graui  
proprie salutis, et fortunarum, comparassent. An  
non plura nos oro, ceu vera & Orthodoxa illustratos  
fide, præstare et perferre oporteat? qui in Diuorum  
cælesti sorte veniamus nomina, semper quæ in hac vi-  
ta, qua in cælesti illa, commodè profutura. Imò  
maiora dicam, quòd Sanctorum virorum nomina, in-  
fallibili Diuinæ sapientiæ nutu, ijsdem collata accide-  
rint, vt iuxta virtutum, ac meritorum certam conge-  
riem, quotusquisq; proprij tesseram nominis sorti-  
retur. Deductas enim, è Græco voces, omitto, La-  
tinis et Sarmaticis, aliquantùm immorabor. Ad-  
iectis certè, aut elisis vocum litteris quibusdam, quid  
primò sonet *Ladislau* (hæc enim sancti *Hungariæ*  
*Regis* vox) virtutis in se portendat? an non pro certo  
*Laudis* laus, obsummas, et inusitatas meritorum ac  
virtutum actiones, dici cogitariuè potuit? si *Vladi-*  
*slauum*, de *Polona* tractum vocula interpretemur, Po-  
tentem



rentem fama, non inconuenienter appellabimus, qui  
potenter, tam viribus, quam virtutibus dirigat lau-  
dem, iuxta ac famam. Disquiramus porro, diuinis-  
simi viri nomen, quod est **STANISLAUS**,  
Sarmaticas si perscrutemur paulullum dictiones, pro-  
ximè, edici potest, *Fiat laus, vel imprecando bonum,*  
*Fias Fama*, latinam tandem expungamus linguam,  
en illa virum, si quem aliquando in viuis superstitem,  
non probè cognouit, vt certè interea per miracula, in  
hoc sublunari ambitu cognoscit, et Romana Ecclesia,  
vti verè sanctum fuisse, et esse virum, pridem decre-  
uit, clara illum voce deprædicat, *Stans I Laus*:  
quod stantis nomine, quandam proptititudinem eun-  
do, et gloriam comparando perennem, certò designet.  
Conuertite obsecro, in eum virum oculos et mentes, qui  
*Stans it laude*. Quante Maiestatis, sublimitatis et  
eminentie ipsius nomen insit, perpendite, quod non-  
modò Aquilonares Septentrionis oras, sed diuersas  
Regnorum Prouincias, passim personat, et ubiq, pe-  
netrat. Quanti iam esse ponderis et precij **D. Sta-**  
**nislai** nomen duxerimus, permagni equidem, perma-



gni respondemus. *Te nunc Te, verum squacem*  
*Antistes sacratissimus, ut incunctis proficientem*  
*plenè efformet, perbellè informat. Nam sicuti ille,*  
*diuinissimum, sacro functus officio, munus conficie-*  
*bat, et cæteris idem communicabat: multoties pietatè,*  
*iustitia, diuinum gregem instituit, verbo Dei paui-*  
*penitentia salubrilactauit, paterno amore fouit: so-*  
*licitus ac sedulus, Ecclesiam Dei, cura et opera Pa-*  
*store digna, circumspèctè administrabat, dirigebat,*  
*nec minus diligebat. Si quidè cum proprium, non mo-*  
*do sanguinem, sed etiam intimè euiscerato fermè pecto-*  
*re, suam profundere vitam, et animum semper para-*  
*tus fuisset, ac ut re ipsa, amorem Dei contestatus, pro-*  
*fudit Veritatis lucem non oderat, sed aduersum fu-*  
*rentis Regis Boleslai minas, intrepidè accensam ver-*  
*bis, à Spiritu Sancti ope inflammatis, præferebat.*  
*Inspekeris nunc Tuum, vendicatum à Diuo Indigete*  
*nomen, Magne ad Cathedram, Ecclesiæ Poseniensis*  
*Prælate, quo interea decoreris honore, cum non faci-*  
*enda animi, postmodum præstoleris bona, sed eadem*  
*promptè exequendo, frequenter usurpas, ut ipsius*  
*frun-*



stantem laudem exornes, propages, amplifies. Verum enim uerò, quò deinceps Stans eat laus, quo pergat et tendat? nollem me id lateat: Cognomines ut opinor, suo inclyto nomine decoratos, tangere appetit: et ita appetit ut vernante mense Maij, eosdem reuirescere, pullulare, ac tandem germinare efficiat. Neq; omninò iniuria, nam verno, sub latis Maij dies tempore, cuncta feruenter efflorescunt, ut ad communem vite utilitatem, maturos fructus afferant. Non aliter profectò, D. Patroni nomen, et Tuo celeberrimo aduernat animo, ut qui truculenti Regis, aut Tyranni, saevo conciderit ense purpureoq; gloriosi Martyrij, rupem tinxerit et rubefecerit sanguine, palmam mortis propriae testem, graui quamuis, at nunquam tamen depressam onere, in supero rupis culmine, semper adhuc virentem, statuens, sui nominis sequacibus, palam eandem prae monstrat, ac gloriam, vimq; toto aeuo praedicandam, indicat. Expectas à me fortasse P.D. quam et quantam vim diuum nomen retineat, primum tamè quid nuda vox, ipsius nominis denotet, inuestigandū accipio. Ac ut communem Grammatū Scholam, post  
depo-



deposita simplicioris Tyrocynij rudimenta, iteratò resuscitem. Nomen quidem esse, vocem, perenarios laborum, molestiarum, infirmitatum, damnorum, periculorum ac tentationum casus, tam in singulari priuatim, quam in aperto multorum hominum conspectu, flexibilem. Exinde, nullis ille terroribus, ac minis, solius Dei amore comotus, flexit casus toties, nec declinauit tamen, horrendum vitæ auferendæ casum, taliterq; per eorundem casuum cruces, supernos Empyreæ Sedis postes, pulsandos esse edocuit, maxime eos, quos sui nominis, in vita participes esse prenouit. Tolerasse Te complura in vita, non equidem est vllum dubium, ut eo pacto progredereris rectè, quòd Tuum Patronum progressum fuisse, sanè non ignoras. Quinimò, & ipsum vetustum *SRZENIAWÆ* Stemma, diuinum quid præferre visitur, si illius summitatem spectes, crucem præfert, et à sinistra in dextram partem, vberimum dulcibus undis flumen, aut potius geminum SS. inuersoq; modo vinctum, protendentem, oculis spectantium obuertit, et exhibet. Aduerso namq; dum litera bis adnotata procurrit tramite, non alia equidem ratione, nisi quod terrenis

fortunis & gloriæ aduersari deceat. *Cruce* autem,  
quid designet duplici literæ innixa, nihil aliud, præ-  
terquam, quod post dies, *Crucem* ad publica precum  
vota foris prægestantes, sequi annuam, *D. Stanislai*  
festiuitatem, eo anni cursu contigerit: idq; post septi-  
manæ sacræ ( *Rogationum dictæ* ) dies, quod ijs nos  
rogare, æterna verbi veritas doceat, innuens, *Petite*  
& accipietis. Quo quidem, miserantē animum, et mu-  
nificam liberalitatem, in strictioris fortunæ vires, ef-  
fundendam, firmiter præcipit. *S.* utrumq; dextræ  
auri obuersum, cruciq; appensum, per angustias car-  
nis, sacratos sequi cœlites reuocando, & approbando  
intonat Sic *Stanislaus* egit, gloriosus *Pontifex*.  
Quamquam plus credo, ad *Przylecianam* cum affi-  
xo stemmate vitam, id attinet, ut probè cognouerit,  
ex duplicato vnius literæ nexu, & charactere, insu-  
perq; cruce apposita, scilicet esse *Crucem Semper Su-*  
*stentandam*, quonam tamen fine, ac prætextu? *Lem-*  
*mat*is istius *Epigraphæ*, pulchrè accinit *Spe Salutis*.  
*Spirat* hoc vniuersum dignissimus *Prælat*us, quod de  
nomine sacro, proficuum sibi in vita illa fore sperat,  
nolens



nolens quandoquidem, de irrita nominis gestatione, sic reprehendi & argui. Quemadmodum enim, olim Alexander Macedo, intra suos milites, vnum Alexandri nomine præditum, alioquin non inglorium armis virum, acriter cohortatus. Aut nomen muta, aut digna Alexandri nomine, belli facinoræ ede & perpetra. Nullatenus attingit hæc cohortatio Tantum Prelatum, qui spontaneo identidem, in optimum quodq; latus animo, rectè facta sedulo colligit: eadem autem conficere inuito Spiritu, citra meritum seriem, vix dignam cœlesti limine huiusmodi mentem, minus ambit. Depromptum quapropter è summa mea in T. P. D. gratitudine, opus tene pænxi, qui humanitatem Tuam (quâ viros quousq; literis apprimè ex cultos, prosequi consuesti) optimè sum expertus: maximè cum Tuum è Sorore nepotem, pietate, moribus, studijs, instruerem ac imbuerem. Proinde, vt qui Tanti Patroni, & Tutellaris Regni Poloniae ope, celebrem luce hodierna expedis solennitatem, fecerint Superi, qui ab eò Prelatorum subsellio, sublimiora Antistitum fastigia conscen-

scendere, atq; illustri Toga, inter Præsuleos confessus  
eminerè valeas. Quanquàm, et inuitat Te iam  
Sanctissimus Præsul, in Perillustre Prælatorum  
Cracouiensium Collegium, ob eximias Tuas dotes, et  
singulares beneficentie, inexhaustæ liberalitatis, hu-  
manitatisq; virtutes, quibus Te cunctis, ac præcipuo  
more, Illustr: et Reuerendis: Dño Petro Gembicio,  
Episcopo Crac: et Duci Seueriæ, iucundum et ama-  
bilem, decenter presentasti: Deniq; vt ita in eò Tibi  
sustragante Diuinissimi Præsulis adminiculo, inter  
supremos Procures, hinc tanta Fias Fama, quæ nun-  
quam intermori aut conticescere possit, ex intima  
animi sententia, ac præcordijs, veke-  
menter apprecor.



Die Octaua Maij.

C R A C O V I Æ,

In Officina Martini Filipowski, 1644.



legere, atq. illis legi, inter Presbiteros confis-  
 sione solent. Synodus, et inquit, de tam  
 sanctissimo sacro, in Presbiterio Presbiterum  
 Praeconiis Collegio, ob eximia Tui dotes, et  
 singulares benevolentie, praestantissimas liberalitates, du-  
 rantibus vixit, plurimae Tuae, ac praecipue  
 more, Mistr: et Reverendiss: Dño Petro Gambicio,  
 Episcopo Crac: et Puci Generis, inuicem et am-  
 blem, decenter praesentat: Tunc, ut in eo Tui  
 Iustissime Divinissimi Presbiterii administratione, inter  
 supremos, et in Tui Tui Tui Tui Tui Tui Tui  
 quam inter nos, ostendere possit, ex intima  
 animi seculi, ac praecipue, rebo-  
 rum, appropinquat.



Die Octava Maij.

CRACOVIA.

In Officina Martini Filipowski, 1644.

*2.1.12*



slcr0019493

Biblioteka Jagiellońska



